

Pa drenta havo-4

Colegio Arubano ta hisa exigencia pa estudiante di mavo

ORANJESTAD – Den un carta di 28 augustus rec-
tor di Colegio Arubano ta
informa tur scol di mavo
cu dentro di aña escolar
2015/2016 lo hisa exigenci-
anan pe estudiante di mavo
cu kier continua cu havo.

Aña pasa Colegio Arubano
kier a introduci nan e aña es-
colar 2014/2015 caba pero es-
aki a causa un protesta fuerte
bou di decano di tur e 9 scol
di mavo.

Na prome instancia nan no
a wordo scucha pero na co-
mienso di e aña aki minis-
ter di Enseñansa, Michelle
Winklaar, a duna oido. Segun
e decanonan e decision di
Colegio a bin mucho laat pe
studentenan por prepara nan
mes, pero mas importante
segun nan studentenan di
mavo no ta haci menos malo
compara cu studentenan di
Colegio mes.

Nan ta basa nan mes riba un
estudio cu Colegio mes a



haci.

Esaki ta muestra cu 52% di
studentenan den havo-4 y
cu ta procediendo di mavo,
no ta bay over. Pero un por-
centahe igual di studentenan
di Colegio mes y cu ta sigui
havo pa 4 aña caba, no ta bay
over tampoco.

E decanonan a bin cu un otro
proposicion unda nan ta bisa
cu scolnan di mavo y esun di
havo mester wak con por per-
cura cu e material y lesnan di
ambos nivel ta completa otro

miho.

E origen di e problema a
cuminsa ora na 1998 a intro-
duci un sistema nobo, esta
vmbo, (ainda na Aruba ta
yama mavo, pero ta compara
cu vmbo-tl na Hulanda). For
di momento ey e estudio di
mavo no ta completa esun
di havo y segun e decanonan
di mavo esaki ta perhudica e
muchanan di mavo.

Si Colegio Arubano ta hisa e
exigencianan, nan ta haya e
muchanan atrobe ta wordo
perhudica y cu nan no ta haya

e chens pa logra haya e miho
educacion.

Niun reaccion

Minister Winklaar a reac-
ciona cu mester mas tempo
pa evalua. Colegio Arubano
e ora a dicidi di warda cu e
exigencianan. A forma un
comision cu mester bin cu
un conseho na juli despues
un inventarisacion di tur in-
vestigacionnan, literatura y
otro informacion pa wak con
mavo por completa havo den
un miho forma.

Bon Dia Aruba te awor no sa
kico e resultado di esaki ta,
aunke ta compronde cu tin
un rapport cla pero e comis-
ion te awor nunca a haya un
reaccion oficial riba nan in-
vestigacion.

Na mei si a dicidi pa bin cu
un 'summerschool'. Studian-
tenan di mavo (riba potret)
a haya extra les pa asina ta
miho prepara pa bay havo.
Segun Colegio Arubano su
evaluacion esaki a duna re-

sultado positivo, aunke ainda
por mira cu tin diferente vak
cu studentenan tin problema
cu ne, manera Hulandes.
E studentenan mes ta haya
cu miho duna e lesnan mas
trempan. Locual e decanonan
di mavo tambe a sugeri caba.

Despues e resultadonan di
e evaluacion cu Colegio a
manda siman pasa, riba dia-
huebs ultimo a manda e carta.
Bon Dia Aruba por lesa den
e carta e mesun exigencian-
an cu a propone aña pasa. E
exigencianan ta mas halto por
ehemplo cu scolnan di havo
na Hulanda ta exige.

Na e pais aki e normanan ta
stipula despues scolnan di
havo tambe a hisa nan exi-
gencianan pa studentenan di
mavo.

Pero despues un investiga-
cion profundo a resulta cu
studentenan di mavo no ta
haci asina malo cu ta wordo
bisa, y ta mas tanto e scolnan
mes cu ta faha den nan mane-
ho. □